

pripada MZ "Dolac", skreće jugoistočno prema ogradi Gradske deponije pa sve do ulice Avde Palića u naselju Smiljevići. Dalje, granica se proteže ogradom gradske deponije u Smiljevićima i ispod ulice Kralja Stjepana Tomaševića (koja pripada MZ "Briješće"), do ulice Briješće Brdo kućnog broja 174. Nadalje, granica skreće na sjeverozapad rubom naselja Sokolje obuhvatajući ulice Porodice Dizdarević i Enesa Bičića prelazi preko ulice Zaima Imamovića kod broja 32 te nastavlja ka jugozapadu obuhvatajući dio ulice Zaima Imamovića (od ulice Avde Palića do broja 32 u ulici Zaima Imamovića), ulicu Avde Palića i ulicu Porodice Bećirbašić do ulice Porodice Prašević kod broja 27 (koja pripada MZ "Zabrđe") te se spušta u pravcu jugozapada na ulicu Safeta Zajke između brojeva 386 i 386A, prelazi preko ulice i nastavlja do ulaza u kasarnu Rajlovac, gdje lomi u pravcu sjeverozapada i zapada duž ograde kasarne Rajlovac, nastavlja u pravcu zapada duž granice poljoprivrednog dobra Butmir do početne tačke odnosno do željeznog mosta na rijeci Bosni.

Član 2.

Ova Odluka je sastavni dio Odluke o utvrđivanju granica mjesnih zajednica Općine Novi Grad Sarajevo ("Službene novine Kantona Sarajevo", br. 13/10), koja u ostalim dijelovima ostaje nepromijenjena.

Član 3.

Ova Odluka stupa na snagu danom objavljivanja na Oglasnoj ploči Općine Novi Grad Sarajevo i Oglasnoj ploči mjesne zajednice Naselje heroja Sokolje, a naknadno će se objaviti u "Službenim novinama Kantona Sarajevo".

Broj 01-02-1524/15
22. januara 2015. godine
Sarajevo

Predsjedavajuća
Općinskog vijeća
Edina Gabela, s. r.

Na osnovu člana 14. stav 4. Zakona o eksproprijaciji ("Službene novine Federacije BiH", br. 70/07, 36/10 i 25/12) i člana 33. Statuta Općine Novi Grad ("Službene novine Kantona Sarajevo", broj 30/09 - Novi prečišćeni tekst), rješavajući po prijedlogu Općinskog načelnika Općine Novi Grad Sarajevo, za utvrđivanje javnog interesa za izgradnju montažnog pješačkog mosta preko korita rijeke Miljacke sa pješačkim prilazima od ulice Džemala Bijedića do kasarne "Safet Zajko", Općinsko vijeće Novi Grad Sarajevo, na 23. sjednici održanoj dana 22.01.2015. godine, donosi

ODLUKU

**O UTVRĐIVANJU JAVNOG INTERESA ZA
EKSPROPRIJACIJU ZEMLJIŠTA U SVRHU
IZGRADNJE MONTAŽNOG PJEŠAČKOG MOSTA
PREKO KORITA RIJEKE MILJACKE SA PJEŠAČKIM
PRILAZIMA OD ULICE DŽEMALA BIJEDIĆA DO
KASARNE "SAFET ZAJKO"**

Član 1.

Utvrđuje se javni interes za izgradnju montažnog pješačkog mosta preko korita rijeke Miljacke sa pješačkim prilazima od ulice Džemala Bijedića do kasarne "Safet Zajko", na zemljištu označenom kao:

- k.č. broj 455/10 u površini od 75 m² upisano u zk.ul. broj 10453 K.O. Dolac kao državno vlasništvo sa upisanim pravom korištenja u korist Đokić Milorada sina Milana sa 1/1 dijela, što po novom premjeru odgovara zemljištu označenom kao k.č. broj 4045/3 u površini od 75 m², upisano u PL 456 K.O. Novo Sarajevo IV.

Član 2.

Utvrđuje se da je Općina Novi Grad Sarajevo korisnik eksproprijacije zemljišta u svrhu izgradnje montažnog pješačkog mosta preko korita rijeke Miljacke sa pješačkim prilazima od ulice Džemala Bijedića do kasarne "Safet Zajko".

Član 3.

Za realizaciju ove odluke zadužuje se Općinska služba za urbanizam, imovinsko - pravne, geodetske poslove i katastar nekretnina Općine Novi Grad Sarajevo.

Član 4.

Ova odluka stupa na snagu osam (8) dana od dana objavljivanja u "Službenim novinama Kantona Sarajevo".

Član 5.

Protiv ove odluke može se pokrenuti upravni spor podnošenjem tužbe kod nadležnog Kantonalnog suda Kantona Sarajevo u roku od 30 dana od dana dostavljanja odluke.

Tužba se podnosi neposredno Sudu u dva (2) istovjetna primjerka.

Broj 01-02-1526/15
Veza broj 04-31-10294/14
14. januara 2015. godine
Sarajevo

Predsjedavajuća
Općinskog vijeća
Edina Gabela, s. r.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 37. Statuta Općine Novi Grad Sarajevo - prečišćeni tekst ("Službene novine Kantona Sarajevo", broj 30/09), Općinski načelnik, dana 21.01.2015. godine, verificovao je i donio

ODLUKU

O KOREKCIJI REGULACIONOG PLANA "BRIJEŠĆE"

Član 1.

Utvrđuje se Korekcija Regulacionog plana "Briješće" ("Službene novine Kantona Sarajevo", broj 32/13), u daljem tekstu: Korekcija Plana.

Član 2.

Korekcija Plana se vrši na parcelama koje pripadaju investitorima: Devedžija Huso, Pašan Devedžija, Džulka Devedžija i Armina Klipo, odnosno na zemljištu označenom kao k.č. broj dio 313/4 i 313/3 K.O. Novo Sarajevo IV - novi premjer, i istom je, umjesto planirane zone zaštitnog zelenila, parkova i rekreacije, sa manjim učešćem individualnog stanovanja, predviđena izgradnja 13 individualnih stambenih objekata sa pripadajućim parcelama, prema grafič. prilogu 2.

Član 3.

Korekcija Plana se sastoji iz tekstualnog dijela i grafičkih priloga (Izvod iz Regulacionog plana "Briješće"- M 1:1000, prezentirano na listu br. 1, Korekcija Regulacionog plana "Briješće"- M 1:1000, prezentirano na listu br.2 i Analitička obrada građevinskih parcela - M 1:1000, prezentirano na listu br. 3).

Tekstualni i grafički prilozi Korekcije Plana sastavni su dio Regulacionog plana "Briješće" ("Službene novine Kantona Sarajevo", broj 32/13).

Član 4.

Korekcija Plana je radena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima koja su sastavni dio Regulacionog plana "Briješće" ("Službene novine Kantona Sarajevo", broj 32/13), te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-17463/14-5
21. januara 2015. godine

Općinski načelnik
Općine Novi Grad Sarajevo
Mr. Semir Efendić, s. r.

